

Ո Ր Ո Շ ՈՒ Մ

Վարչական վարույթը կասեցնելու մասին

«30» հունիսի 2023թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, ուսումնասիրելով Իրանի Իսլամական Հանրապետության քաղաքացի Մոհսեն Էբրահիմի Մանսուրի (անձնագիր՝ U54259181, հասցե՝ ԻԻՀ, Թեհրանի շրջան, ք.Բաղերշահիր, Բուրդարայի փողոց, տուն 429, էլեկտրոնային հասցե՝ mm1p2518@gmail.com) կողմից մաքսային կանոնների խախտում կատարելու վերաբերյալ նյութերը,

ՊԱՐԶԵՑԻ

2023 թվականի հունիսի 27-ին թիվ 05100033/260623/0000824286/00 մաքսային մուտքի օրդերով Բագրատաշենի մաքսային կետ-բաժնով ՀՀ ներմուծված «MERCEDES-BENZ» մակնիշի, GL 450 մոդելի, 4JGDF6EE8FA594391 նույնականացման համարի, 2015 թվականի արտադրության, BL9148L պետհամարանիշի տրանսպորտային միջոցով ԻԻՀ քաղաքացի Մոհսեն Էբրահիմի Մանսուրը (անձնագիր՝ U54259181, հասցե՝ ԻԻՀ, Թեհրանի շրջան, ք.Բաղերշահիր, Բուրդարայի փողոց, տուն 429, էլեկտրոնային հասցե՝ mm1p2518@gmail.com) ՀՀ-ից մուտք է գործել Մեղրիի մաքսային կետ-բաժին: ՀՀ ՊԵԿ Հարավային մաքսատուն-վարչության Մեղրիի մաքսային կետ-բաժնի աշխատակիցների կողմից իրականացված մաքսային հսկողության արդյունքում պարզվել է, որ ՀՀ-ից Մեղրիի մաքսային կետ-բաժին ժամանած՝ ԻԻՀ քաղաքացի Մոհսեն Էբրահիմի Մանսուրի կողմից ներկայացված նոտարի կողմից վավերացված լիազորագիրն առերևույթ կեղծ է: Մասնավորապես՝ թիվ 460-20230620-35-1656027 նոտարական կողը և PPK12V գաղտնագիրն ունեցող լիազորագիրը <https://www.e-notary.am/> Նոտարական պալատի պաշտոնական կայքէջի լիազորագրերի շտեմարանում առկա չէ: Միաժամանակ որպես լիազորագիրը վավերացնող նոտար նշված է Թաշյան Լևոնի Տաթևիկ, սակայն լիազորագիրը կնքված է Տաթևիկ Տեղյան Լյուիայի կնիքով:

Փաստի առթիվ ԻԻՀ քաղաքացի Մոհսեն Էբրահիմի Մանսուրի նկատմամբ «Մաքսային կարգավորման մասին» ՀՀ օրենքի 315-րդ հոդվածի հատկանիշներով հարուցվել է մաքսային կանոնների խախտման վերաբերյալ վարույթ:


Հաշվի առնելով այն հանգամանքը, որ այս գործում առերևույթ առկա է ՀՀ քրեական օրենսգրքի 457-րդ հոդվածի 1-ին մասով նախատեսված հանցագործության հատկանիշներ՝ ղեկավարվելով ՀՀ քրեական դատավարության օրենսգրքի 176-րդ և 178-րդ հոդվածներով՝ ՀՀ քննչական կոմիտե պատշաճ հաղորդում է ներկայացվել առերևույթ հանցագործության մասին, հետևաբար մաքսային կանոնների խախտման վերաբերյալ վարույթի ընթացքում անհնարին է տվյալ վարույթի արդյունքում ակնկալվող վարչական ակտի ընդունումը մինչև սահմանադրական, վարչական, քաղաքացիական կամ քրեական դատավարության կարգով քննվող գործով որոշում (դատական ակտ) կայացնելը, ուստի, ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին կետի ա ենթակետով, վարչական վարույթը ենթակա է կասեցման:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին կետի ա ենթակետով,

Ո Ր Ո Շ Ե Ց Ի

1. Իրանի Իսլամական Հանրապետության քաղաքացի Մոհսեն Էբրահիմի Մանսուրի նկատմամբ սկսված վարչական գործի վարույթը կասեցնել:
2. Որոշման մասին հայտնել քաղաքացի Մոհսեն Էբրահիմի Մանսուրին:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ



ԱՐՏԱՇԵՍ ՂԱՄԲԱՐՅԱՆ